



অবিলম্বে প্রকাশের উদ্দেশ্যে: 8/7/2020

গভর্নর অ্যাঙ্কু এম. কুওমো

গভর্নর কুওমো ঘোষণা করেছেন যে, প্রতিটি অঞ্চলের সংক্রমণের হারের উপর ভিত্তি করে, নিউ ইয়র্ক স্টেট জুড়ে স্কুলগুলোকে এই শরতে খোলার অনুমতি দেওয়া হচ্ছে

প্রতিটি অঞ্চলের সংক্রমণের হার স্বাস্থ্য বিভাগের কঠোর নির্দেশিকার উপর ভিত্তি করে পুনরায় খোলার জন্য রাজ্যের নির্ধারিত মানের প্রয়োজনীয় সীমার নিচে

ইন-পার্সন বনাম আংশিক পুনরায় খোলার বিষয়টি প্রতিটি স্বতন্ত্র স্কুল ডিসট্রিক্ট কর্তৃক স্থানীয়ভাবে নির্ধারণ করা হবে

স্বাস্থ্য বিভাগ স্কুল ডিসট্রিক্টের পুনরায় খোলার পরিকল্পনা পর্যালোচনা করবে এবং তাদের অবস্থান সম্পর্কে সোমবার ডিসট্রিক্টগুলিকে জানাবে

স্কুল ডিসট্রিক্টগুলিকে 21 আগস্টের আগে অভিভাবকদের সঙ্গে তিন-পাঁচটি জনসভা করতে হবে

গভর্নর অ্যাঙ্কু এম. কুওমো আজ ঘোষণা করেছেন যে, প্রতিটি অঞ্চলের সংক্রমণের হারের উপর ভিত্তি করে, নিউ ইয়র্ক স্টেট জুড়ে স্কুলগুলোকে এই শরতে খোলার অনুমতি দেওয়া হচ্ছে। প্রতিটি অঞ্চলের সংক্রমণের হার স্কুল খোলার জন্য প্রয়োজনীয় স্টেটের মানের সীমার নিচে। স্বাস্থ্য বিভাগ স্কুল ডিসট্রিক্টের পুনরায় খোলার পরিকল্পনা পর্যালোচনা করবে এবং তাদের অবস্থান সম্পর্কে সোমবার ডিসট্রিক্টগুলিকে জানাবে। স্টেটের 749টি স্কুল ডিসট্রিক্টের মধ্যে 127টি এখনও স্বাস্থ্য বিভাগের কাছে পরিকল্পনা জমা দেয়নি, এবং আরও 50টির জমা দেওয়া পরিকল্পনা অসম্পূর্ণ বা তাতে ঘাটতি রয়েছে। স্বতন্ত্র ডিসট্রিক্ট কিভাবে পুনরায় খোলা হবে তা নির্ধারণ করা হবে - সশরীরে বনাম একটি সংকর মডেল - স্বাস্থ্য বিভাগের কঠোর নির্দেশিকার অধীনে স্থানীয় স্কুল ডিসট্রিক্ট কর্তৃক নির্ধারণ করা হবে। স্বাস্থ্য বিভাগের নির্দেশিকা [এখানে](#) পাওয়া যাবে।

গভর্নর এছাড়াও ঘোষণা করেন যে স্কুল ডিসট্রিক্টগুলিকে তাদের দূরবর্তী শিক্ষা পরিকল্পনা অনলাইনে পোস্ট করতে হবে এবং সেই সাথে শিক্ষার্থী এবং শিক্ষকদের টেস্টিং এবং ট্র্যাকিং করার জন্য তাদের পরিকল্পনা পোস্ট করতে হবে। 21 আগস্টের আগে স্কুলগুলিকে অভিভাবকদের সাথে তিন থেকে পাঁচটি জনসভা করতে হবে- যাদের দূর থেকে অংশগ্রহণের অনুমতি দেওয়া হবে- সেই সাথে তাদের পুনরায় খোলার পরিকল্পনার মধ্যে দিয়ে যাওয়ার জন্য শিক্ষকদের সাথে একটি মিটিং করতে হবে।

"আমাদের সংক্রমণের হারের উপর ভিত্তি করে নিউ ইয়র্ক স্টেট এই মুহূর্তে সবচেয়ে ভালো পরিস্থিতিতে আছে। যদি কেউ স্কুল খুলতে পারে, আমরা স্কুল খুলতে পারি। আমরা মাস্ক পরি, আমরা সামাজিক দূরত্ব বজায় রাখি, আমরা সংক্রমণের হার কমিয়ে রেখেছি, এবং আমরা স্কুল পুনরায় খোলার ব্যাপারে একই স্তরের বুদ্ধিমত্তা আনতে পারি যা আমরা অর্থনীতিকে পুনরায় খোলার জন্য এনেছি", **গভর্নর কুওমো বলেন।** "আমাদের স্কুলের নির্দেশিকাকে দেশের সবচেয়ে বুদ্ধিমান হিসেবে বিবেচনা করা হয়েছে। আমাদের অর্থনীতি পুনরায় খোলার নির্দেশিকা দেশের মধ্যে সবচেয়ে বুদ্ধিমান ছিল। তাই, যদি কেউ এটা করতে পারে, আমরা এটা করতে পারি। কিন্তু আমরা সফল হয়েছি কারণ আমরা স্মার্ট ছিলাম এবং আমাদের স্মার্ট হওয়া অব্যাহত রাখতে হবে। প্রতিটি স্কুল ডিসট্রিক্টের স্কুলে ফিরে যাওয়ার পরিকল্পনায় অভিভাবক এবং শিক্ষকদের অবশ্যই নিরাপদ বোধ করতে হবে, এবং এই পরিকল্পনাগুলিকে অবশ্যই স্বাস্থ্য বিভাগের নির্দেশিকা মেনে চলতে হবে। এটা নিশ্চিত করতে, নিউ ইয়র্কের পরিবারগুলিকে অবশ্যই পুরোপুরি অবহিত হতে হবে এবং কথোপকথনের অংশ হতে হবে। আর তাই, আগামী কয়েক সপ্তাহের মধ্যে, স্কুল ডিসট্রিক্টগুলিকে অবশ্যই এর সাথে যুক্ত হতে হবে: অভিভাবক এবং শিক্ষকদের সাথে কথা বলা এবং সব পক্ষকে পরিকল্পনার সাথে সম্মত করা।"

গতকাল নিউ ইয়র্ক স্টেটে জানানো 70,170 জনের পরীক্ষার মধ্যে মাত্র 714 জন বা 1.0 শতাংশ পজিটিভ রোগী ছিল। গত তিন দিনে প্রতিটি অঞ্চলের পরীক্ষায় আক্রান্তের শতাংশ নিম্নরূপ:

অঞ্চল	মঙ্গলবার	বুধবার	বৃহস্পতিবার
Capital Region	0.9%	0.8%	0.7%
Central New York	0.5%	0.6%	0.8%
Finger Lakes	0.5%	0.7%	0.8%
Long Island	1.2%	1.0%	0.9%
Mid-Hudson	0.8%	1.0%	0.7%
Mohawk Valley	1.0%	1.5%	0.9%
New York City	1.0%	1.1%	1.1%
North Country	0.2%	0.4%	0.2%
Southern Tier	0.5%	0.5%	1.2%
Western New York	0.5%	0.9%	1.7%

###

অতিরিক্ত তথ্য পেতে দেখুন www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসারস্বাহিব করুন](#)